



ՀԱՍՏԱՏՈՒՄ ԵՄ՝  
ՇՐՋԱԿԱ ՄԻՋԱՎԱՅՐԻ  
ՆԱԽԱՐԱՐ  
Է. ԳՐԻԳՈՐՅԱՆ

«26» 06 2019թ.

# ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ  
ՓՈՐՁԱՔՆՆՈՒԹՅԱՆ

ԲՓ 000048

Ձեռնարկողը՝

«ՍՏ ԱՐՏ» ՍՊԸ

Ք. Երևան, Նորազավիթ 7փ., փ.18

Գործունեությունը՝

«Արենի Ուայն Ռեզորթ» հյուրանոցային համալիրի  
կառուցման շրջակա միջավայրի վրա ազդեցության  
նախնական գնահատման հայտ

Վայոց ձորի մարզ, Արենի համայնք

«Շրջակա միջավայրի վրա ազդեցության  
փորձաքննական կենտրոն» ՊՈԱԿ-ի  
տնօրենի պաշտոնակատար՝



*Handwritten signature*

Ա. Դոնոյան

թիվ ԲՓ 000048

<26> 06 2019թ.

**«Արենի Ուայն Ռեզորթ» հյուրանոցային համալիրի կառուցման շրջակա միջավայրի վրա ազդեցության նախնական գնահատման հայտ**

Ձեռնարկող՝

«ՍՏ ԱՐՏ» ՍՊԸ

Փաստաթղթի տեսակը՝

Շրջակա միջավայրի վրա ազդեցության  
նախնական գնահատման հայտ  
/Գ կատեգորիա/

Տեղադրման վայրը՝

Վայոց ձորի մարզ, Արենի համայնք

«Թուֆենկյան Հոսփոխարկ» ՍՊԸ-ի կողմից Արենի 2 փողոց 4 հասցեում «Արենի Ուայն Ռեզորթ» հյուրանոցային համալիրի կառուցման տարածքը գտնվում է Վայոց ձորի մարզի Արենի համայնքի նույնանուն բնակավայրի վարչական սահմաններում: Գործունեությունն իրականացվելու է անշարժ գույքի սեփականության գրանցման վկայականով /թիվ՝ 23042018-10-0003/ հատկացված՝ 3.40677 հա մակերեսով հողամասի սահմաններում՝ բնակավայրերի նպատակային նշանակության և հասարակական կառուցապատման գործառնական նշանակության հողատեսքերում: Նախագծային փաստաթղթերի մշակման համար հիմք է հանդիսացել Արենիի գյուղապետարանի կողմից տրված թիվ Հ.06 նախագծային թույլտվությունը, տարածքի նկատմամբ իրականացված ինժինեռաերկրաբանական հետազննումը և գեոդեզիական հանույթը:

Հողամասը գտնվում է Արենի գյուղի հարավ-արևմտյան մասում՝ 960-1060մ բացարձակ բարձրությունների վրա: Հարավ-արևելյան հատվածում սահմանափակված է ժայռով, հարավ-արևմտյան և արևելյան հատվածում՝ Հ-40 մայրուղիով, հյուսիսային հատվածում՝ Արենի 2-րդ փողոցով: Տարածքը մինչ օրս օգտագործվել է որպես «Հին Արենի» գինու գործարանի տարածք, որտեղ տարիներ շարունակ իրականացվել է Գինու փառատոն և կազմակերպվել է ցուցասրահ, ինչի համար տարածքում ժամանակ առ ժամանակ տեղադրվում են մետաղական հավաքովի տաղավարներ: Հաշվի առնելով տուրիզմի զարգացումը և հետաքրքրությունը Գինու փառատոնի հանդեպ, տուրիստների համար ավելի հարմարավետ պայմաններ ապահովման համար նախատեսվում է կառուցել սույն հյուրանոցային համալիրը: Տարածքը ներկայումս հարթեցված է հողային և ասֆալտային ծածկույթով, առկա ժամանակավոր շինությունները նախատեսում է ապամոնտաժել: Կառույցները տեղադրվելու են ծառերից ազատ տարածքներում, տեղակայման համար հաշվի են առնվել գոյություն ունեցող բնական լանդշաֆտը: Համալիրի ճարտարապետական լուծումները նախատեսվում են ժամանակակից լուծումներով՝ լրացնելով միջավայրը և չխախտելով նրա ինքնատիպությունը:

Հյուրանոցային համալիրի հիմնական մուտքը նախագծված է տարածքի Արևմտյան կողմից՝ Հ-40 մայրուղուց: Համալիրի կոմպոզիցիոն կենտրոն է հանդիսանում ներքին բակը՝ լողավազանով, որի շուրջ ձևավորվելու է համալիրի մաս կազմող մասնաշենքերը:

Համալիրը կազմված կլինի 3 հյուրանոցային ( A,B,C ), միջոցառումների իրականացման՝ D և ժամանան՝ E մասնաշենքերից, ինչպես նաև տեխնիկական մասնաշենքերից: A մասնաշենքն ունի 6 վերգետնյա հարկ, մասնաշենքի 0.00 նիշում նախատեսված է սպա կենտրոնը և մարզադահլիճը, որին մուտքից կցված կլինի ծածկված լողավազանի շինությունը: B և C մասնաշենքերը համապատասխանաբար կունենան 5 և 2 վերգետնյա հարկեր: D մասնաշենքը նախատեսված է միջոցառումների համար, ունի 1 վերգետնյա և կիսանկուղային հարկ: Վերգետնյա հարկում նախատեսված է կոնֆերանս դահլիճ և բացօթյա տեռաս, իսկ կիսանկուղային հարկում՝ 300 հոգու համար նախատեսված է բանկետային դահլիճ: E մասնաշենքն ունի մեկ ստորգետնյա, մեկ կիսանկուղային և մեկ վերգետնյա հարկ: Մասնաշենքի յուրաքանչյուր հարկ նախատեսված է ներքևի հարկի նկատմամբ հետնահանջով և ծավալատարածական տեսքով՝ համահունչ համալիրի ետնամասում սլացող ժայռին և ապահովելով տեռասաններ՝ յուրաքանչյուր հյուրասենյակի համար: Ստորգետնյա հարկում գտնվում են խոհանոցը, լվացքատունը և անձնակազմի հանդերձարանները: Կիսանկուղային հարկում գտնվում են ժամանցի սրահը, բարը, ադմինստրատիվ գրասենյակները և խանութները: Վերգետնյա հարկում գտնվում են ռեստորանները և բաց խոհանոցը: Մասնաշենքում նախատեսված են 3 տիպի համարներ, վերջին հարկում՝ լյուքս դասի բարելավված համարներ: Հյուրանոցային համալիրում նախատեսվում է նաև դրսի լողավազանի կառուցում՝ 3.6մ խորությամբ, 15,2մ լայնությամբ և 28.5մ երկարությամբ: Բոլոր մասնաշենքերը ապահովված կլինեն էվակուացիոն աստիճանավանդակներով՝ հակահրդեհային և սեյսմիկ նորմերին համապատասխան:

Համալիրի արտաքին հարդարման լուծումները պայմանավորված են Արենիի տարածաշրջանին բնորոշ պատմական, ճարտարապետական ոճով, շրջակա միջավայրով:

Տարածքում նախատեսվում է ներքին ավտոճանապարհներ, բացօթյա ավտոկայանատեղի, շվաքարաններ և կանաչապատ տարածքներ՝ տարածքի մոտ 34 տոկոսը կանաչապատվելու է: Կառույցի տեխնիկատնտեսական ցուցանիշները հետևյալն են.

հողատարածքի մակերեսը՝ 340677քմ  
կառուցապատման մակերեսը՝ 4149քմ  
կանաչապատման մակերեսը՝ 2500քմ  
շենքերի ընդհանուր մակերեսը՝ 13207քմ  
հյուրանոցային համարների քանակը՝ 106 համար:

Հյուրերի առավելագույն քանակը՝ 206 մարդ, սպասարկող անձնակազմի քանակը՝ 86 մարդ:

Շինարարական աշխատանքների իրականացման ժամանակացույցը կազմում է 3 տարի: Շինարարական աշխատանքները կատարվելու են ցանկապատված շինհրապարակի ներսում: Նախապատրաստական փուլում ապամոնտաժվելու են գոյություն ունեցող ժամանակավոր կառույցները /գինու փառատոնի կազմակերպման համար մետաղական հավաքովի տաղավարները/, տեղադրվելու են ժամանակավոր շինությունները և իրականացվելու է գոյություն ունեցող կոմունիկացիաներին միացում: Շինհրապարակում շինանյութերի պահեստավորում չի նախատեսվում, դրանք բերվելու են պատրաստի կամ անմիջապես օգտագործման համար: Տեխնիկական միջոցների լիցքավորումը և սպասարկումը նախատեսված է իրականացնել շինհրապարակից դուրս՝ մասնագիտացված կետերում:

Շինարարության ընթացքում քանդվող, մշակվող բնահողի ծավալը կկազմի՝ 12556մ<sup>3</sup>: Գրունտը ժամանակավոր պահվելու է շինհրապարակի տարածքում: Օգտակար հանույթից մնացորդային բնահողեր չեն ավելանա, քանի որ հանույթը ամբողջովին օգտագործվելու է հետլիցքի համար:



Շինարարության ընթացքում մթնոլորտի հիմնական աղտոտիչներն են շինարարական տեխնիկան և տրանսպորտային միջոցները, վառելիքի այրման արդյունքում առաջացող գազանման արտանետումները և շինարարական և տրանսպորտային միջոցների աշխատանքներից առաջացող փոշին, որոնք կլինեն տեղայնացված՝ ենթակա արագ ցրման: Հնարավոր վնասակար ազդեցությունները կբացատրվեն կամ կնվազեցվեն բնապահպանական կառավարման պլանում ներկայացված միջոցառումների իրականացմամբ, մասնավորապես՝ փոշու արտանետումները նվազեցնելու համար նախատեսված է շինհրապարակի պարբերաբար ջրցանում, շինանյութ տեղափոխող մեքենաների երթևեկության կազմակերպում, թափքի ծածկում և այլն:

Շինարարական աշխատանքների և ջրցանի համար անհրաժեշտ ջրամատակարարումն /որի ծախսը կկազմի 288մ<sup>3</sup>/շին.ժամ, կամ 1.2մ<sup>3</sup>/օրեկան/ իրականացվելու է տարածքի հարևանությամբ անցնող ոռոգման ցանցից: Շինարարության ընթացքում մակերևութային ջրային հոսքերի վրա ազդեցություն չի կանխատեսվում, քանի որ շինարարական տարածքը Արփա գետից գտնվում է 800մ հեռավորության վրա: Հնարավոր արտահոսքերը և անձրևաջրերը շինհրապարակից հեռացվելու են տարածքի հարևանությամբ գոյություն ունեցող հեղեղատար: Աշխատողների կոմունալ-կենցաղային կարիքները հոգալու նպատակով, շինհրապարակում նախատեսված է տեղադրել ժամանակավոր բիոզուգարաններ, որոնք աշխատանքների ավարտից հետո ապամոնտաժվելու են:

Շինարարության ընթացքում առաջացող թափոնները՝ քայուղերը, վառելիքը և այլ հեղուկ նյութերը նախատեսվում է պահել անթափանց, փակ տարաներում, հատուկ տակդիրների վրա և շինարար կապալառուի կողմից հնարավորինս որպես երկրորդային նյութ վերաօգտագործել այլ աշխատանքներում: Հիմնական առաջացող թափոնատեսակը՝ 632 տոննա ծավալով շինարարական աղբն է, որն ամբողջությամբ տեղափոխվելու է Արենի համայնքի ղեկավարի կողմից հատկացված աղբավայր: Իսկ կենցաղային աղբը կհավաքվի այդ նպատակի համար նախատեսված աղբամաններում և կանոնավոր կերպով կհեռացվի շինարարական հրապարակից:

Հյուրանոցային համալիրի շահագործման փուլի համար տարեկան ջրապահանջը կկազմի 8030.0մ<sup>3</sup>/տարի, իսկ օրական ջրապահանջը՝ 22,0 մ<sup>3</sup>/օր: Լողավազանի լցման համար կպահանջվի մոտ 1500 մ<sup>3</sup> ծախսով ջուր, որը կապահովվի Արենի համայնքի ջրամատակարարման ցանցից: Շահագործման փուլում նախատեսվում է պարբերաբար իրականացնել լողավազանի մաքրում՝ մեխանիկական մաքրման բաքերով, ինչպես նաև ֆիլտրացիայով: Իսկ մինչև կոյուղի հեռացնելը, կիրականացվի կուտակված ջրի ֆիլտրացում և համապատասխան գոտիներով քլորից գտում:

Հյուրանոցային համալիրի շահագործման փուլում կենցաղային կեղտաջրերը սանիտարական սարքերից ներքին ցանցի միջոցով ինքնահոս կհավաքվեն և կհեռացվեն կոյուղու բակային ցանց, որտեղից նախատեսված է միացնել Արենի համայնքի համար կառուցվող կոյուղու ցանցին: ՀՀ կառավարության և Տարածքային Չարգացման Հիմնադրամի կողմից, 2019-2020 թվականներին հանրային և մասնավոր ներդրումային ծրագրի շրջանակներում՝ որպես աջակցություն և զբոսաշրջության խթանում, Արենի համայնքի և «Արենի Ուայն Ռեզորթ» հոթելի համար նախատեսվում է նոր ենթակառուցվածքների կառուցում /գազամատակարարում, ջրամատակարարում, էլեկտրամատակարարում/, «Արենի Ուայն Ռեզորթ» հանդիսանալու է նորաստեղծ գործող ցանցի բաժանորդ:

Համաձայն հայտի շինարարական աշխատանքների ավարտից հետո կառուցապատումից ազատ տարածքները նախատեսվում է բարեկարգել և կանաչապատել: Կանաչապատման համար նախատեսվում է 100տմ ծավալով նոր բուսահողի լիցք: Այն նախատեսված է կառուցապատվող տարածք բերել Արենի 3 կմ



հեռավորությունից և պահեստավորել հատուկ ծածկի տակ՝ 2մ-ը չգերազանցող կույտերի ձևով: Արենի համայնքի ղեկավարի կողմից այդ աշխատանքների իրականացման համար տրվել է նախնական համաձայնեցում: Կանաչապատման աշխատանքները ներառում են՝ 1000քմ խաղողի տնկիների հիմնում լավագույն տեսակների սելեկցիոն սորտերով, /հետագայում գինեգործության համար/ և 500քմ տարբեր տեսակի պտղատու ծառերի տնկում և ծաղիկների տարբեր տեսակներով կանաչապատում: Պտղատու տնկարկների հիմնումը պայմանավորված է տվյալ տարածքում մշտապես անցկացվող բերքի տոնի փառատոններով: Կանաչ տարածքների ոռոգումն իրականացվելու է տարածքում գոյություն ունեցող, հողամասի հարևանությամբ անցնող ոռոգման ցանցից:

Նախագծով նախատեսված բնապահպանական միջոցառումների գումարային արժեքը, որոնք կիրականացվեն շինարարական կազմակերպության կողմից, գնահատվել է 19 235 111 ՀՀ դրամ: Նշված արժեքը ներառում է շինարարության փուլում շինարարական աղբի հեռացման, բուսահողի ձեռք բերման և պահպանման ինչպես նաև կանաչապատման աշխատանքները և ընդգրկված են հյուրանոցային համալիրի կառուցման նախագծի ծավալաթերթերում:

Նախնական գնահատման և փորձաքննության փուլերում, ՀՀ օրենսդրությամբ սահմանված կարգով Արենի համայնքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության:

Ամփոփելով հայտի բնապահպանական և սոցիալական ազդեցությունների վերլուծությունները, կարելի է եզրահանգել, որ ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ, ազդեցությունները կլինեն թույլատրելի նորմայի սահմաններում: Ծրագրի իրականացումը կարող է խթանել տուրիզմի, ինչպես նաև հարակից բնակավայրերի տնտեսական զարգացմանը՝ աշխատատեղերի ստեղծմամբ:

### Փորձաքննական պահանջ

Շինարարության ընթացքում անհրաժեշտ է պահպանել ԲԿՊ-ում և բնապահպանական մոնիթորինգի պլանում առաջարկվող միջոցառումների իրականացումը և ժամանակացույցերը, որոնց արդյունքները պետք է հասանելի լինեն պետական շահագրգիռ մարմիններին և հանրությանը:

### ԵԶՐԱԿԱՑՈՒԹՅՈՒՆ

«US ARS» ՍՊԸ կողմից ներկայացված Վայոց ձորի մարզի Արենի համայնքի 2-րդ փողոցի 4 հասցեում նախատեսվող «Արենի Ուայն Ռեզորթ» հյուրանոցային համալիրի կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ փորձաքննական պահանջի պարտադիր կատարման պայմանով:

Գլխ.մասնագետ՝



Հ. Մկրտչյան